

إجابات للأسئلة المتعلقة بالسكن مع بعض الصور

📍 بيان العتيبي : @Bayanalotibi

📍 رغد بديوي : @RaghadBedaiwi1

📍 PNU_batch442

١- كيف نقدر نسجل بالسكن الجامعي ؟

بمجرد ما يطلع لك رقم جامعي تقدري تزوحي لبوابة الخدمات الإلكترونية و تسجلي ، بعد كذا راح تجيك رسالة نصية محتواها (تمّت الموافقة على طلبكم للسكن الجامعي يجب مراجعة وحدة شؤون السكن بعمادة شؤون الطالبات بالأوراق و المستندات الرسمية للاعتماد النهائي مع مبلغ سداد الرسوم) ، و تزوحين للسكن معك أوراقك و مستنداتك المطلوبة و مبلغ الرسوم و طبعا لا تحذفين رساله لانك ما راح تدخليين داخل الا لما الامن يشوفون رساله .

٢- لازم يكون معي مبلغ سداد الرسوم بالبداية ؟

ممكن تدفعينها أقساط ٣٥٠ ريال شهرياً او تكلمينهم عن المبلغ الي تقدرين عليه ، و لو شرحت لهم الوضع ممكن يراعون شوي و يصبرون عليك .. لكن عموماً بنات الضمان الاجتماعي و بنات التأهيل الشامل معفيين تماماً من أي رسوم .

٣- أنا طالبة من داخل الرياض عادي أسجل بالسكن ؟

السكن للأسف ما يقبل إلا الطالبات اللي من خارج الرياض أو الطالبات اللي تبعد عن مدينة الرياض ١٥٠ كلم و أكثر يعني مثلاً تكونين ساكنة بمحافظة أو قرية بعيدة هنا يحق لك السكن ، و يشترط إحضار إثبات المسافة طبعاً فيه حالات خاصه مثل بنات الصحي الي تكون من مناطق الرياض والمسافه اقل من 150 راح تنقبل لما تكلمهم لان دوام الصحي طويل ووو الخ .

٤- كيف نظام الغرف ؟

لكل طالبة غرفة خاصّة فيها تحتوي على مطبخ صغير و فيه ثلاجة ، غرفة فيها مكتبة كبيرة للدراسة و تلفاز و فيه سرير مع المرتبة و فيها دولاب للملابس و التخزين و أيضاً حمام و غرفة للشاور .

٥- كم تدفعون للسكن ؟

للطالبات اللي يدرسوا بكالوريوس يدفعوا ١٤٠٠ (في الترم) لكن أول ترم لك فقط راح تدفعي ١٩٠٠ .
ليش طيب ال ٥٠٠ الزيادة ؟

ال ٥٠٠ الزيادة تأمين فقط و يرجعونها لك بعد التخرج إن شاء الله او في حاله طلعتي نهائيا من السكن .
للطالبات اللي يدرسوا ماستر أو دكتوراة تدفعوا ١٠٠٠ (بالشهر) .

● و اذا انتي بالضمان او ابوك تزوحين للضمان و تجيبين ورقة اثبات انك ف الضمان بعدين تقديمها للسكن مع اوراقك وقت المقابله بقسم المحاسبه وقتها راح يرفعونها للعماده و بكذا ما راح تدفعين رسوم السكن و التأمين و نفس الشئ لبنات التأهيل .

٦- كيف نظام الخروج عندكم ؟

إذا حابة تنامين خارج السكن الجامعي أو تتأخرين أكثر من الوقت المسموح لازم ولي أمرك او احد من اخوانك يطلعك او ولي امرك يوكل شخص سواء امرأة أو رجل و يكون السكن عندهم هذه الوكالة بحيث تقدرين تطلعين مع الشخص الموكّل له متى ما تبين .

إذا حابة تطلعين مع أوبر فالسكن يسمح لك في أوقات معينة فقط و لازم ترجعين السكن بدري و ما تتخطين الوقت المسموح .

الوقت المسموح :

في أيام الأسبوع من الساعة ٤ عصرًا إلى الساعة ١٠ مساءً .

في أيام نهاية الأسبوع (الويكند) من الساعة ٩ صباحًا إلى الساعة ١١ مساءً .

إذا حابة تسافري بالقطار أو الطائرة وتطلعي مع أوبر أو حتى عندك موعد مستشفى أو بنك روعي لإدارة السكن و وريهم التذكرة أو الموعد حقتك و يسمحوا لك بالخروج مع أوبر .

٧- هل السكن آمن و مريح ؟

نعم السكن آمن و مريح أكيد ، بالنهاية هو سكن جامعي طبعاً راح يكون آمن ، و تنقلك بالمترو كمان لذلك مريح و موفر للوقت .
لو عندك تدريب ميداني متوفرة باصات توديك و تجيبك .

٨- إيش الخدمات المتوفرة داخل السكن الجامعي ؟

فتحوا لنا الترم اللي فات سوبر ماركت " سبار " ، كمان فيه وجبات طعام غداء فقط تقدم في أوقات معينة مجانية أكيد ، و فيه صرافات بنك الرياض .
إذا حابة تطلبي من برا سواء مواقع مطاعم قهوة اللي ودك مسموح و في أي وقت عادي .
متوفر كمان عيادة صغيرة تابعة لمستشفى الملك عبدالله الجامعي في السكن .
في كل دور متوفر غرفة غسل فيها غسالتين و نشافتين ، جيبى مكواة بخار معاك أو حتى مكواة عاديه .
و فيه بعد نادي وقت اللياقة مفتوح من الساعة ٧ الصبح إلى الساعة ٩ بالليل .
يوم السبت تروحون المول الصباح و ممكن تروحون وسط الأسبوع مكتبة جريز .
مدرسة القيادة موجودة بجانب السكن .

٩- مسموح نجيب أجهزة كهربائية ؟

عادي جيبى أكيد لكن لا توري أحد هذا اللي يُفضّل ، يعني أول ما تجين حطيتها في شنطة سفرك مع الملابس أو خبيها بأكياس مخفيه ودخلها مع اغراضك.

١٠- فيه صيدلية ؟

بالسكن حالياً لا ، لكن فيه موجود صيدلية وايټس بمحطة A4تفتح وقت الدوام بس .

١١- هل فيه طرد من السكن ؟ و إيش هي الممنوعات ؟

أيوة فيه بس مو عشان أشياء سخيصة ، تنطرد البنات لو لا سمح الله حاولت الانتحار أو ضرت بنت ثانية أو مارست أي أمور خارجة عن الدين زي السحر و العياذ بالله ، و المتزوجة عادي تدخل السكن لكن بمجرد ما تحمل للأسف يطلعونها ، بالنسبة للطالبة اللي تدخن .. التدخين ممنوع منعاً باتاً بكافة أنواعه في السكن و اعتقد لو كشفوها تكتب إنذار بعدين طرد ، الهوشات ممنوعة و ممكن تسبب لك طرد و الخروج بدون إذن ممنوع كذلك إذا كشفوا أنك خرجت بدون إذن راح يجيبك انذار ولو تكرر هالموضوع راح تتعرضين لعقوبات ولو انعدت كمان راح توصل لطرده من السكن.

١٢- السكن فيه مطاعم كويسة ؟ يعني لو جعت آخر الليل فيه مكان مفتوح أنزل له ؟

شوفي عندك السوبر ماركت مفتوح إلى الساعة ١٠ بالليل لو حبيت تشتري شيء ، و فيه مشينز بكل مكان فيها شبسات و عصير و كذا .. لكن ما فيه مطاعم داخل السكن نفسه فقط عندك وجبة غداء مرة باليوم و بوقت محدد في الظهر .. بس تقدرين تطلبين من أي مطعم برا عادي حتى لو آخر الليل .
و ما تدرون يمكن السنة الجاية يتغير شيء بالسكن و يصير فيه مطعم ، الله أعلم وش يصير .

١٣- لو مرضت لا سمح الله بيكون فيه مكان مفتوح ٢٤ ساعة ؟

للأسف العيادة حقت السكن تقفل آخر الليل و ما تفتح بالويكند ، بس إذا مرة تعبانة لا سمح الله روعي المستشفى و تقدرين تكلمين المشرفه و راح تطلب لك الإسعاف أو هي توديك المستشفى كمان مع سواق السكن .

١٤- أقدر أتمشى برا الغرفة و لا ممنوع ؟

طبعًا يمديك تنزلون و بدون عباية كمان ، و الساحة الخارجية فيها مساحة كبيرة ماشاء الله للناس اللي تحب تمارس رياضة المشي و فيه جلسات برا إذا الجو حلو و حبيتي تجتمعي مع صديقاتك برا و فيه بعد منطقة خضراء كبيرة و جنبكم نافورة لو حبيتوا تجيبون فرشاة و تجلسون على الزرع ، و بعد يمديكم تولعون فحم بس الحطب أتوقع ممنوع .

١٥- فيه فعاليات بالسكن ؟

أبوة فيه ، بين كل فترة و فترة يسوون فعاليات و بازارات ناس من خارج الجامعة يعرضون منتجاتهم لكم ، و مرات تشوون برا و حتى إدارة السكن تجتمع معكم بالليل و تسوون بعد رياضات زي كرة القدم أو ماراثون الركض و زي كذا و كمان ممكن يصير دورات بالسكن مثل دورة مكياج او رسم ويكون حضورها مجاني لبنات السكن .

١٦- هل وجبات الغداء في السكن جيدة ؟

جيدة و لكنها ليست ممتازة ، الوجبات متنوعة مو كل يوم نفس الشيء و يقدمون حلى لكن شخصيًا أنصح تجيبون بوكس شخصي خاص فيكم أنظف .

١٧- كيف أقدر أكسر حاجز الوحدة و أكون أصدقاء في السكن وفي الجامعة ؟

شخصيًا كنت مركزة على دراستي زيادة عن اللزوم و يمكن مو كل فعاليات السكن كنت أحضرها لأنني كنت أحس لا أدرس أحسن لي ، و هذا الشيء أنا عارفة في قرارة نفسي إنه جدًا خاطئ ! بتقدي في السكن إنتِ إلى أن يشاء الله لازم تتعرفي على أحد ، و مو شرط تكون نفس مجال دراستك عادي المهم تأنسي بها و تأنس بك .. زميلة لي ماشاء الله لا قوّة إلا بالله كانت شخصية عفوية تتعرف من نفسها و ما تنتظر أحد يقولها ممكن نتعرف ؟ لا كانت هي تروح لهم و تتودد للشخصية اللي قدامها و تحاول بأسلوبها اللطيف تحبب الناس فيها فصارت بالسكن معي كل البنات يعرفونها ماشاء الله ، روعي الفعاليات اللي يسوونها السكن و تعرفي هناك على بنات و حاولي تندمجي معهم ، البنات اللي معك بالدور كل ما شفيتهم سلمي عليهم حاولي تخلقي حديث يلفظ الأجواء معاهم ، حبة حبة هم يتعودون على وجهك يشوفونه كثير و بيدوون ينجذبون لك و تكونوا صداقة .. لو فيه بنت ارتحت لها كثير قولي لها شرايك بالليل لو فاضية نجتمع بغرفة التلفاز نشوف فيلم ؟ شرايك نطلب اليوم من مطعم ؟ حبة حبة تتعودين و كمان ممكن يكون معك بنات بنفس التخصص و ممكن بالصدفه يكون معك بنات بنفس كلاسك و كمان بالسكن و طبيعي بتعرفينها و تتعرفين عليها مع الوقت .. بس لا تخلين التعارف و الصداقات شغلك الشاغل ركزي في دراستك و وازني بينهم و هذا اهم شيء .

١٨- هل فيه مقابلة شخصية للسكن ؟

هي مش مقابلة و لكن تقدي مع وحدة من إدارة السكن تفهمك الأنظمة و ما إلى ذلك .

١٩- كم عدد مباني السكن ؟

عددها ٤ مباني ، ٣ منهم للطالبات السعوديات و الطالبات المقيمتات تبع المنح و مبنى واحد للجاليات (غير عربيات) ، كل مبنى فيه ٥ أدوار و كل دور فيه : حوالي 30 غرفه خاصه ، غرفتين تلفاز ، صالة للجلوس و فيها ميكرويف واحد ، حمام عام ، غرفة النفايات ، مصلى عام ، غرفة الغسيل و فيها غسالتين و نشافتين ، غرفة للتخزين .

٢٠- ينفع أختار غرفتي بنفسي و لا يختارونها لي ؟

ينفع طبعًا تنقي و تختاري الغرفة و المبنى و يمديك تغيرينها بعدين عادي بحسب الغرف المتوفرة .

٢١- نخلي أغراضنا و لا نشيلها ؟

أغراضك تبقى بالحفظ و الصون في كافة الإجازات و من بينها إجازة بين الترمين ما عدا الإجازة الصيفية نهاية السنة من مسؤوليتك إخلاء الغرفة تمامًا ، فيه غرفة للتخزين زي ما ذكرت سابقًا لكنها مو مضمونة ١٠٠٪ ممكن يتم سرقة أغراضك

٢٢- وش الأوراق المطلوبة للتسجيل في السكن و الشروط و الضوابط ؟

كل شيء ذكرته بفايل خاص لمتطلبات السكن .

٢٣- كيف الأمن و الأنظمة ؟

أمن السكن أمهات و جدًا تعاملهم لطيف ، عندك بكل مبنى فيه مشرفة صباح و فيه طبعًا مشرفات للمساء و فيه إدارة السكن بمبنى ٢١ في حال جيتو السكن لكن إدارة السكن ما تداوم إلا الصباح فقط .
عندنا نظام اسمه نظام " التميم " ، وش هو ؟ هذا النظام يقولك إنه من بعد الساعة ٤ العصر لين تقريبًا ٩ بالليل ضروري تنزلين تحت في نفس المبنى حقاك عند المشرفة توقعين على وجودك في السكن يوميًا .
طيب لو أنا برا ؟

لو إنت برا مع وكيل أو مسافرة خلاص هم عندهم علم إنك طالعة أصلًا .
في حال نسيتي توقعين ترا يدقون عليك جوال و يدقون عليك باب الغرفة لو ما رديتي جوال و واذا ما حصلت رد ابدأ ممكن تضطر المشرفة تدخل غرفتك و تظمن و تتأكد انك موجودة هذا كله لمصلحتك عشان يطمئنون عليك .

و ما ننسى لو عندك أي شيء خربان بالغرفة أو ناقص تقدر تنزلي تحت للمبنى حقاك تكتبي بدفتر خاص إنك تبين صيانة أو تكلمين المشرفة تبع المبنى حقاك توفرلك الشيء الناقص .

٢٤- كيف أعود على الغربية و هل هي صعبة ؟

إجابة الموضوع هذا تختلف ، الغربية صعبة بلا شك و لكن أعتقد الموضوع بيكون صعب أول ترم فقط و اذا زادت مره راح تكون اول سنه بس بعد كذا تجتازين هذا الشيء و تتعودين و تكونين صداقات و ممكن تحبين السكن و وجودك فيه و غرفتك الخاصه و تشتاقين لها بوقت الاجازات .

٢٥- لو جبت صك سكن في اليدوي و انقبلت هل راح يآثر على قبولهم لي بالسكن ؟

لا اكيد ما راح يآثر لأن تقديمك لسكن بعيد تماما عن تقديم الجامعه نفس ما قلنا بعد قبولك بالجامعه و بعد ما يطالع لك رقم جامعي راح تقدرين تقديم ع السكن و تدخلين الوراق و الاثباتات الي تخصك من جديد .

٢٦- أول ما أدخل السكن الجامعي وش لازم أجيب ؟

جيبى الأساسيات ، من أدوات التنظيف مخدة شرشف سرير بطانية ، مواعين ، أكل ، الأشياء اللي بالنسبة لك جدًا مهمة و أساسية .

لإنك أول ما تجين تنظفي ، من حقاك ترا تطلبي تنظيف من عندهم و راح يرسلون لك بنفس اللحظة عاملات و ينظفون لك كل شي لكن إذا حابة تنظفي بنفسك ركزي إنك تجيبى أدوات التنظيف .
كثير بنات الله يهديهم بالبداية انشغلوا بالديكور و كذا و نسيوا الأشياء المهمة .. و حقاك الأشياء اللي آشوفها جدًا مهمة :

طقم سرير (البطانية و الشرشف و المخدة) . سجادة صغيرة لو حبيتي لإن السكن سيراميك مو مفروش .
سجادة و شرشف للصلاة . شماعات الملابس و يحبذ تكون ثقيلة للملابس الشتوية . سلات للنفايات الله يكرمكم ، تكون وحدة بالغرفة و الثانية بالحمام و الثالثة كبيرة شوي للمطبخ . سلة للملابس ، و سلة للملابس النظيفة بعد الغسيل . شماعة للملابس خارجية . منشر لو احتجتى . مكنسة كهربائية مهمة جدًا . مكواة سواء بخار و لا عادية . توصيلة لو حبيتي رغم إن الغرفة مليانة أفياش .

أدوات التنظيف (تايد أو فانش ، منظف الحمامات اسمه 101 حلو جدًا ، داووني أو كمفورت ، صابون خاص للعبايات و الملابس الغامقة ، كلوركس مهم بالذات لحوض المطبخ ، ملمع للزجاج ، ملمع للأسطح الخشبية ،

ديتول ، جل العملاق الأخضر ، زماك مهم للمطبخ يشيل الزيوت ، صابون لليد ، سلك إذا تعرفوه ينفع للمطبخ ، فرشاة المواعين ، إسفنجة المواعين ، مناديل خفيفة و مناديل ثقيلة للمطبخ ، مساحات وحدة بالحمام و وحدة عشان لو شطفتي غرفتك ، سطل الشطف ، مناشف للأرض) .
أدوات المطبخ (صحن عشان تحطي فيه صابون المواعين ، معرف وش اسمه بس الشيء اللي تحطين فيه المواعين بعد الغسيل مهم بعد ، صحون و ملاعق كبيرة و صغيرة و شوك و سكاكين و كاسات ، غلاية ، عين كهربائية ، توستر ، طاسة على قذك ، قدر حجم صغير و كبير و على حسب اللي تحتاجينه ، مساقات عشان الأشياء الحارة ، سفر ، أكياس للنفايات ، أكياس بلاستيك و علب بلاستيك للتخزين ، قوالب الثلج ، كاسات ورق و بلاستيك ، جيبى مناشف عشان تمسحين فيهم يعني اساسيات المطبخ) .
بطاريات صغيرة لو احتجتى للريموت .
أكياس للشطف مفيدة للملابس الشتوية في حال سافرتي .
طابعة . أقلام حبر و رصاص و مساحة و براية و هكذا . هايلايترز . دفتر بحسب احتياج تخصصك .
أوراق A4 . ملف لو احتجتى .
لابتوبك أو آيبادك طبعًا و الملحقات حقهم . دباسة . آلة حاسبة .
فيه كرسي للدراسة بس جيبى مخدمتين صغار ، وحدة تجلسي عليها و وحدة ورا ظهرك .
أغراضك الشخصية (ملابسك ، ميكب ، كريمات ، شامبو ، بلسم ، ليفة ، فرشاة و معجون ... إلى آخره) .
أكل (سكر و شاي و قهوة بالأنواع اللي تفضلها ، بهاراتك ، مكرونة ، رز على قذك لو حابة ، سناكس ، كورن فليكس ، حليب شاي ، حليب المراعي ، المعلبات اللي تشوفينها مهمة ، أجبان ، بيض) .
طبعًا كل اللي ذكرته ممكن إنت ما تحتاجيه ، فالموضوع راجع لك و راجع لكيف طريقتك و إيش تأكلين .

نهايةً .. وجودك في السكن تجربة نوعية و انتقاله جميلة جدًا عليك ، لا تخلو من الصعوبات و كثير راح تتمني وجود أهلك معك عشان يخف الضغط النفسي و لكن كل شيء بإذن الله بتتغلب عليه و تكسري حاجز الخوف من الغربة و الاستقلالية .

ولو نسينا أي سؤال او حتى أي وحده عندها استفسار او بخاطرها تعرف عن أشياء ثانيه تخص السكن احنا موجودين و هذي حساباتنا بالتلجرام

بيان العتيبي : @Bayanalotibi

رغد بديوي : @RaghadBedaiwi1

صور للسكن

 PNU_batch442


CH
● Team







Emtelak_Tamimi



Emtelak_Tamimi



